



Broj: 122-07-1-655-2/24  
Sarajevo, 21.03.2024. godine

**Bosna i Hercegovina**  
**Parlamentarna skupština Bosne i Hercegovine**  
**Predstavnički/Zastupnički dom**  
**ul. Trg BiH br. 1**  
**71000 Sarajevo**

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

**Predmet:** Odgovor na zastupničko pitanje, *dostavlja se*, -  
**Veza:** Vaš akt br. 01-50-1-421/24 od 20.02.2024. godine

PRIMLJENO: 22-03-2024			
Organizaciona jedinica	Klasifikaciona oznaka	Redni broj	Broj priloga
01-50-1-421/24			

Centralna banka Bosne i Hercegovine (u daljem tekstu: Centralna banka) je dana 26.02.2024. godine zaprimila Zastupničko pitanje, br. 01-50-1-421/24 od 20.02.2024. godine, koje je pozivajući se na odredbe članova 166. i 170. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23; u daljem tekstu: Poslovnik) upućeno od strane poslanika Edina Ramića ministarstvima, upravama, uredima, zavodima, agencijama i drugim institucijama Vijeća ministara Bosne i Hercegovine, a koje se odnosi na pregled planiranih i usvojenih zakona, podzakonskih akata, međunarodnih sporazuma/ugovora u skladu sa Programima rada za 2023. i 2024. godinu.

Imajući u vidu da je zastupničko pitanje postavljeno kako se navodi „*institucijama Vijeća ministara Bosne i Hercegovine*“ i da se ista u skladu sa navedenim odredbama Poslovnika mogu postavljati „*predsjedavajućem i članovima Vijeća ministara BiH ili drugim subjektima iz njihove nadležnosti, posebno o stanju u pojedinim oblastima društvenog života i provođenju zakona i drugih akata Parlamentarne skupštine BiH, odnosno o radu ministarstava i drugih organa državne uprave*“, ovim putem prije svega želimo da Vam ukažemo da Centralna banka nije institucija Vijeća ministara BiH, ministarstvo niti organ državne uprave.

Centralna banka je osnovana u skladu sa Ustavom Bosne i Hercegovine i Zakonom o Centralnoj banci Bosne i Hercegovine („Službeni glasnik BiH“, br. 1/97, 29/02, 8/03, 13/03, 14/03, 09/05, 76/06 i 32/07; u daljem tekstu: Zakon) kao jedina ovlaštena institucija za štampanje novca (konvertibilna marka) i monetarnu politiku na cijelom području Bosne i Hercegovine. U skladu sa odredbama članova 3. i 70. navedenog Zakona Centralna banka je u okviru svojih ovlaštenja potpuno nezavisna od Federacije Bosne i Hercegovine, Republike Srpske, te bilo koje javne agencije i organa, a u izvršenju svojih dužnosti samostalnog donosi propise.

Kako u skladu sa gore navedenim odredbama Centralna banka nije institucija Vijeća ministara BiH, ministarstvo niti organ državne uprave, već nezavisna institucija ovlaštena za štampanje novca i monetarnu politiku na cijelom području Bosne i Hercegovine, to Centralna banka nije obuhvaćena Programom rada Vijeća ministara Bosne i Hercegovine za 2023. godinu, niti ista može biti obuhvaćena navedenim programom rada kojim se planiraju zakoni, podzakonski akti i međunarodnih sporazumi/ugovori.



Stoga kako se predmetno zastupničko pitanje odnosi na izvršenje Programom rada Vijeća ministara Bosne i Hercegovine za 2023. godinu i planirane aktivnosti iz Programa rada Vijeća ministara Bosne i Hercegovine za 2024. godinu, to Centralna banka ne može popuniti dostavljene tabele jer se navedeni programi rada ne odnose na istu.

Centralna banka kao nezavisna institucija samostalno donosi Plan rada Centralne banke, a u skladu sa članom 64. Zakona u roku od tri mjeseca nakon završetka godine svoje izvještaje podnosi Parlamentarnoj skupštini Bosne i Hercegovine, što će biti učinjeno kao i svake godine do sada.

**Dostaviti:**

- ☉ naslovu,
- a/a.



**GUVERNERKA**

**dr. Jasmina Selimović**

*Jasmina Selimović*